

**NO. SOALAN : 28**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YB. TUAN BUDIMAN BIN MOHD ZOHDI  
[ SUNGAI BESAR ]**

**TARIKH : 28 MAC 2017**

**SOALAN :**

**YB. Tuan Budiman Bin Mohd Zohdi [ Sungai Besar ] minta MENTERI PELANCONGAN DAN KEBUDAYAAN menyatakan sejauh manakah keberkesanan program Hotel Assist On The Go (HAOTG) dalam menyediakan tenaga kerja secara separuh masa untuk industri perhotelan dan apakah program ini akan diperluaskan bagi membangunkan industri inap desa di kawasan luar bandar.**

**JAWAPAN :** **DATO' SERI MOHAMED NAZRI BIN ABDUL AZIZ**  
**MENTERI PELANCONGAN DAN KEBUDAYAAN**

Tuan Yang di-Pertua,

Program *Hotel Assist On The Go* (HAOTG) ini merupakan satu program transformasi skim latihan yang bersifat *one-off* bertujuan untuk menyediakan tenaga kerja secara separuh masa dengan memberi pendedahan, latihan serta kemahiran kepada calon-calon berpotensi bagi menyokong pembangunan kapasiti di dalam industri perhotelan di sekitar Lembah Klang. Empat modul latihan yang ditawarkan adalah Jurukemas, Pramusaji/Operasi Makanan dan Minuman, Pembantu Penyedia Makanan dan *Stewarding*.

Selain dapat memberikan impak positif kepada industri perhotelan, program ini juga dapat menggalakkan penglibatan warga tempatan dalam sektor perhotelan dan seterusnya mengurangkan kebergantungan kepada pekerja asing. Secara keseluruhan, bilangan peserta yang telah dilatih bagi *Program Hotel Assist on The Go* sejak program ini diperkenalkan adalah seramai 92 orang peserta.

Sekian, terima kasih.